

興義府志卷八目錄

地理志關隘

興義府關隘石卡子門關

普安縣關隘堅芭蕉關

安南縣關隘海馬鴉關

貞豐州關隘坡花江呈關

安籠箐關

木窄關

者黨關

興義府志

卷八 目錄

一

貴陽文通書局代印

興義府志卷八

興義府知府張鎡纂修

地理志

關隘

全境內關隘凡十有三興義府三普安縣二安南縣四貞豐州四皆宜屯重兵扼守凡興郡之關以地在山隘險而可守故名關非徵稅之關也志關隘

興義府關隘

石門關卽石門坎在府城南三十里

通志云石門關在城南二十里通廣西大道有弁兵防守

舊志云石門關卽石門坎在城西二十五里兩山夾束形勢險要

興義府志

卷八

關隘

一

賈陽文通書局代印

識略云石門坎在城南三十里康熙二十年逆賊吳世璠分兵據

黃草壩征南大將軍賴塔

按當作
賚塔

統滿漢官兵由泗城州奪石門

坎拔安籠所繞賊後大破之卽此也

按滿洲名臣傳云逆孽吳世璠據雲南

上以賚塔爲平南大將軍賚塔率兵由泗城進西隆州僞總兵周

應龍迎降僞將軍何繼祖等擁衆數萬於石門坎築壘拒敵石門

坎者距安籠所三十里地峻隘稱天險賚塔令都統貝勒希福**瑪**

奇護軍統領額赫訥等直前自與副都統宏世祿赫呼布總督金

光祖分兵爲二由間道蹶其後二十年正旦度賊無備飭前軍進

攻賊倉卒出禦後軍履險上前後來擊大敗賊衆奪其隘口進復

安籠所何繼祖與僞將軍詹養王有功等退據黃草壩按賚塔奪

石門坎之險而安籠城卽拔石門坎誠郡城第一險要也今安義鎮兵制於三道溝設汛而於石門坎僅設塘祇撥中營塘兵五名駐守似兵力太弱宜撥弁設汛增兵扼守 又按石門坎距城里數通志云二十里舊志云二十五里識略及名臣傳並云三十里今考實三十里從識略名臣傳

安籠箐關在府城東二十里

明一統志云安籠所在普安州城東南三百二十里安籠箐關在普安州城東南三百四十里

通志云安籠箐關在普安州城東南三百四十里

按安籠箐關今在府城東南二十里又考安籠箐山則在今府城東南永甯州轄之募役司境內不屬府轄

興義府志

卷八

關隘

二

貴陽文通書局代印

卡子隘在府城北五十里

舊志云卡子隘在城北五十里兩岸高山魯溝中斷石徑盤曲亦屬要津爲通省大道

按卡子隘地當衝要中爲卡子河夾河山極峻險嘉慶二年平苗後始設卡子河汛撥把總一兵八十扼險防守

普安縣關隘

堅固關在縣城西北

通志云堅固關在城西北列當驛新開入滇大道

識略云堅固關在城西北老鷹巖南爲白沙驛入滇新路

芭蕉關在縣城北十里

明一統志云芭蕉關在普安州城東八十里

通志云芭蕉關在普安州城東八十里

識略云芭蕉關鑿嶺為關奇險扼要今設塘為入滇舊路

按芭蕉關今雖設塘僅有塘兵三名駐守宜撥弁增兵扼險

安南縣關隘

海馬關在縣城東十二里

通志云海馬關在城東十二里兩山之凹廣止尋丈舊有關跨其上閣下僅容一騎往來

安南志云哈馬關在城東十二里兩山間廣尋丈舊有真武閣跨其上

按海馬關安南志作哈馬關或云當作下馬關以關險僅容一騎往來峻險須下馬而行故關名下馬也今設有塘僅塘兵五駐守

興義府志

卷八

關隘

三

賈陽文通書局代印

宜撥弁增兵

木窄關在縣西三十里盤江

按木窄關在縣西盤江明洪武中嘗戰於此

老鴉關在縣城南里許

通志云老鴉關在城南里許入滇舊路兩巖之間最為扼要

附詩

老鴉關

明正德 楊 慎 成都人

老鴉關仰樹間靈卜西去何當還

見楊升菴集

老鴉關

明嘉靖 鄧 周文化 貴陽人

列戟風高仰萬山雲空葉積馬蹄艱一為行省衣冠地便是雄圖鎖鑰關使者銜恩通此道中郎飛檄定羣蠻棄繻叱馭無人說何

用長纓過此間見安南志

老鴉關

國朝 楊有涵

廉纖細雨暗前山錦障泥汙只等閒日暮荒村人跡少濕雲如夢

老鴉關見蓉峰詩

烏鳴關

烏鳴關在縣城西南二里

明史地理志云安南衛城南有烏鳴關洪武中置

明一統志云烏鳴關在衛城南二里山巔下入深箐洪武中置關有戍兵

通志云烏鳴關在城西二里

按烏鳴關今土人呼為半關下通江西坡明史明一統志謂在城

南通志謂在城西今考實在城西南明洪武中有戍兵防守今置塘僅有塘兵五名駐守宜增兵

貞豐州關隘

坡呈箐關在州城東十里

通志云坡呈箐關在城東十里箐深道狹為州之扼要

按坡呈關今無兵守宜設兵扼險

者黨關在州城西南二十里

通志云者黨關在城西南二十里山高路險

按者黨關今設塘僅有塘兵四名駐守宜增兵

花江巖關在州城北九十里

通志云花江巖關在城北九十里山高路險

按花江巖關今設塘僅有塘兵五名駐守宜增兵
石屯關在州城北一百四十里

通志云石屯關在城北一百四十里路亦險峻
按石屯關今設塘僅有塘兵四名駐守宜增兵

又按郡境山區處處有險可扼而以上十三處關隘尤爲險要設
皆置礮築堡選良將重兵守之卽一旦有警可保有備無患矣